

TOLOSA lo 17 de junh – N°10

La letra deu director 2

L'eveniment 3

Las nautats..... 5

Lo Labèl Òc per l'occitan..... 8

Lo servici de l'emplec..... 9

Las edicions de l'I.E.O. 11

Lo cercle del trimèstre 12


L'agenda 13

Los contactes de l'I.E.O. MP 17

Las emissions de ràdio. 18

Los sitis internet. 18

Ideco. 19



Avec les groupes
Mar e Montanha,
BCBG
Totarella (Calabre)



Les 22/07 à Castres, 23/07 à Sorèze
24/07 au Rialet



Tel 05 63 72 40 61
ieo-tarn.org



REGION
OCCITANA



CASTRES

INSTITUT D'ESTUDIS OCCITANS, Seccion Regionau Mieidia-Pirenèus
Ostal d'Occitània
11 carrièra Malcosinat,
31 000 Tolosa

09 62 56 09 91
06 82 23 44 55

ieom-pireneus@ieo-oc.org

Dab l'ajuda de :



Lo n° 10 entà l'estiu !

Aquiu mes de tres ans que la seccion regionau hè sortir Lo Diari, ara qu'a evoluït trobat lo sué format informatic e papèr e e melhorat la sua difusion.

quan seré en julh e agost, qu'ei possible d'aver activitats ligada a l'occitan. Tostemps lo noste hialat qu'organiza plan d'eveniments de tota mena

... qu'auratz tanben la possibilitat de profiter deus tradicionaus rendetz-vos de l'estiu occitan : Estivada de Rodés, Festen'òc de Besièrs e Hestiv'òc de Pau.

Aquiu mes de tres ans que la seccion regionau hè sortir Lo Diari, dab lo prètzhèit de dar tostemps mes de visibilitat a l'ensem de las accions deu hialat IEO Mieidia-Pirenèus e d'informar melhor los nostes adherents.

Lo Diari, ara qu'a evoluït trobat lo sué format informatic e papèr e e melhorat la sua difusion.

Entà aqueste n°10, atau coma de costuma, a l'estiu l'activitat de las nostas associacions qu'ei un pòc en pausa. Lo noste agenda, que s'aprima e lo Diari que's hè un pòc mes petit.

Totun, quan seré en julh e agost, qu'ei possible d'aver activitats ligada a l'occitan. Tostemps lo noste hialat qu'organiza plan d'eveniments de totas menas :

- festenal Camin de Craba (musica tradicionau organizat pendent 3 dias dens l'èst deu departament de Tarn),
- festenal occitan de Pàmias (dab plan d'activitats e notablament un concors de cosina),
- plan de lecturas publicas (atau coma en Avairon),
- las Joanadas de Castres e d'Albi,
- los concèrts,
- las conferéncias,

- e encara plan de causas mes.

A costat d'aqueras activitats costumèras e intèrnas a l'IEO, qu'auratz tanben la possibilitat de profiter deus tradicionaus rendetz-vos de l'estiu occitan : Estivada de Rodés, Festen'òc de Besièrs e Hestiv'òc de Pau.

Ara que'vs desiram de passar uas vacanças de las bonas, per fin de poder tornar dens las vòstas associacions dab plan de vam entà la rentrada 2011-2012.

Aquera rentrada que serà plan importanta entà l'IEO Mieidia-Pirenèus que gràcias au sosteng de la region Mieidia-Pirenèus aviarà ua operacion qu'aurà per tòca de desembarcar sus ua vertadèra accion de Marketing Lingüistic en favor de l'occitan e portada peu conselh regionau.

En tot esperar, que'vs desiram un bon estiu en vos esperar tostemps mes numèros au deguens de las nostas associacions.

Sebastian Pugin.

Festival Camins de Crabas.

Lo festenal *Camins de Crabas* nasquèt en 2001, ... e met a l'onor un instrument emblematic de la Montanha Negra, sonat *craba* suls dus ponents tarneses e bodega sul ponent audenc.

Segon lo principi del festenal : « *La craba aculhís las còrnamusas d'endacòm mai* ».

L'edicion 2011 del festenal se tindrà los 22, 23 e 24 julh, e s'acamparà a Castres, Sorèze, Revel et Le Rialet.

Presentacion

Lo festenal *Camins de Crabas* nasquèt en 2001, gràcia a l'impulsion de l'IEO (*Institut d'Estudis Occitans*).

Que met a l'onor un instrument emblematic de la Montanha Negra, sonat *craba* suls dus ponents tarneses e bodega sul ponent audenc. Fait d'una pèl de craba entièra e tornada, aquel instrument es un element màger de nòstra cultura. Lo festenal *Camins de Crabas* a per ambicion de botar en valor, de far conéisser e tornar viure, e, mercés a el, de tornar far descobrir la granda riquesa del patrimòni musical del Naut-Lengadòc. Tanben, dona tota sa plaça a un instrument tipic de la region, lo graile (*hautbois*) dels monts de Lacauna.

Segon lo principi del festenal: « *La craba aculhís las bodegas d'endacòm mai* ». Aqueles tres jorns de fèstas son l'escasença de concèrts a gratis e d'encontres amb grops mai de regions e païses diferents, cadun amb lo cornamusas particulàrias. Es atal que lo festenal aculhiguèt al cors de las darrièras annadas los grops La Raitana (Asturias), los Bohaires de Gasconha, lo Bagad de Lorient, lo grop tchèc Vallaskey Voyvada, Xarabal (Galícia), lo grand spectacle pirotecnic del grop OC, Guillaume Lopez en companhia, lo

jove grop de *rock* occitan Brick a Drac o le grop kabile Yennayer.

L'edicion 2011 del festenal se tindrà los 22, 23 e 24 julh, e s'acamparà en 4 lòcs :

- Castres,
- Sorèze,
- Revel,
- Lo Rialet.

Aqueste festenal se farà en partenariat amb le Rialet, una de las mai pichonas comunas de la Montanha Tarnesa: un cinquantenat d'estatjants, a 700m d'altitud, sul platèu d'Anglès, plan boscut e fòrça salvatge, ont fa bon de viure.

Los grops convidats enguan.

Lo grop BCBG (*Banda de Crabas, Bodegas e Grailes*) es una còla informala de musicians tradicionals que foguèt creada en meteis temps que lo festenal *Camin de Crabas*, amb la tòca de far amassar totis los jogaires de craba (o bodega) e de graile, sortits de totis los tipos musicals e de tota la region.



Los gropes convidats enguan :

- BCBG
- Mar e Montanha
- Totarella



Avec les groupes
Mar e Montanha,
BCBG
Totarella (Calabre)



Les 22/07 à Castres, 23/07 à Sorèze
24/07 au Rialet

1eo
Tel 05 63 72 40 61
ieo-tarn.org



Le grope es enquadrat per Bernard Desblancs, del Conservatòri Occitan de Tolosa e per Xavier de la Torre, del Conservatòri de Musica de Tarn, a l'entorn d'un repertòri prevenent de collectatge de tota la zòna geografica de la craba.

Mar e Montanha

Mar e Montanha es l'encontra de dos instruments tradicionals lengadocians: la bodega / la craba.



Es una tropa escòla compausada de l'escòla de Bodega de Villardonnell e dels corses de Graile de Sèta e Pesenas, un vintenat de musicians, bodegaires, grailistas e percussionistas, enquadrats pels professionals Alain Charrié, Sophie Jacques e Coco Lemeur. *Mar e Montanha* tòca un repertòri lengadocian pròpri a cadun dels dos instruments ... mas pas qu'aquò!

Tornatz-los trobar sus www.myspace.com/maremontanha

Totarella

Grop de joves musicians calabres afogats per lor cultura, lor musica, lor tradicion, lor Tèrra!

Passion que ressona dins lo còr a través lo son de la zampogna, la craba del sud d'Itàlia, mas tanben a través la recèrca et-

nomusicologica que menan e del desvolopament cultural de lor vilatge aucuau contribuïen amb l'organizacion del festenal Radicazioni.



Totarella es lo nom atribuit pels estatjants del *Pollino* (region del nòrd de Calabria) al graile populari local (genericament sonat ciaramella) qu'acompanha tradicionalament la *zampogna*.

Programmacion:

Divendres 22 de julhet al temple de Castras (car. del Consulat)

20h30: Concèrt del grop italian *Totarella* (entradas pagantas)

Dissabte 23 de julh, a Sorèze

- 10h00/12h00: passa-carrièra e animacions del mercat de Revel

- 11h30: animacions del centre de Soresa seguit d'un aperitiu

- 16h: Projeccion del film « Bodega, buf de vida » dins la sala dels maridatges de la comuna de Soresa en preséncia de sa realisatritz, Sophie Jacques de Dixmude. La projeccion serà seguida d'una discutida a l'entorn de de la bodega

- 17h30/18h30: animacions del centre vila de Soresa, demostracions de danças occitanas ambe los grops *Totarella* e *BCBG*

- 20h30: serada Craba amb:

- 20h30: Concèrts *BCBG* e *Mar e Montanha*

- 21h45: Concèrt *Totarella*
 - 22h30: Balèti occitan amb *BCBG*
 - 23h15: Balèti occitan amb Sòfia, Alain Charrier, Coco Le-Meur
- Dimenge 24 de julh al Rialet**

- matin: conferéncia amb lo Pargue Regional del Naut-Lengadòc
- Vesprada (14h00 /1800h) : animacions del vilatge, passa-carrièra, pichons concèrts, danças occitanas amb *BCBG* e *Totarella*

LAS NAUTATS DE L'IEO.

L'IEO 32 qu'a ua navèra emplegada.

La seccion de l'IEO Gers que veng de se professionalizar en emplegar a Loïsa Bruned.

Alavetz, que profitam d'aquera escadença entà descobrir a Loïsa.

... que tribalhi despuish duas setmanas a l'IEO de Gers en tot seguir los mies estudis d'istòria a la facultat de Pau on prepari la mia tèsi ...

... que soi encargada d'arcuèlher lo monde au locau de l'IEO a Aush... deu cors d'iniciacion que darà l'IEO de Gers e d'ajudar a la realizacion, l'organizacion e la comunicacion de plan d'eveniments e d'activitats regularas organizadas per l'IEO de Gers.

La seccion de l'IEO Gers que veng de se professionalizar en emplegar a Loïsa Bruned. Aqueste emplec qu'ei plan significatiu entà l'IEO en Mieidia-Pirenèus, en efèit a comptar d'ara l'ensemble de las seccions departamentaus an ua activitat professionalizada.

Alavetz, que profitam d'aquera escadença entà descobrir a Loïsa.

Lo Diari (LD): Adiu Loisa e ben-vengut a l'IEO, tot permèr, e't poderès presentar un pòc ?

Loïsa Bruned (LB): Tiò, que m'apèri Loisa e que vevi a Pannassac en Astarac e au ras deu Manhoac. Qu'èi 25 ans, que tribalhi despuish duas setmanas a l'IEO de Gers en tot seguir los mies estudis d'istòria a la facultat de Pau on prepari la mia tèsi qu'a per subjècte: "la societat pirenenc de las vaths deu Haut-Aragon au cap de l'edat mejana.

LD: Quin as descobèrt l'occitan?

LB: B'ac entenoi plan joena dab los grans pairs. Un còp au collègi que seguiscòis los cors d'occitan puish en arribar a l'universitat que m'inscrivoi a l'opcion d'occitan. L'an passat que deci-

discoi de hèr avalorar lo mié nivèu de lenga e decidiscoi de passar l'Escapolaire A2 deus CFPO. Enguan entà perfeccionar-me seguishi la formacion "Pyramide" deu CFPO (tau nivèu B2).

LD: Quin as descobèrt la seccion departamentau de l'IEO?

LB: Qu'encontrèi lo monde de l'IEO l'an passat, en tot participar a la dictada occitana a Aush.

LD: En que consisteish lo tué tribalh de tot dia a l'IEO 32?

LB: Tot prumèr que soi encargada d'arcuèlher lo monde au locau de l'IEO a Aush. Tanben, que serèi encargada deu cors d'iniciacion que darà l'IEO de Gers e d'ajudar a la realizacion, l'organizacion e la comunicacion de plan d'eveniments e d'activitats regularas organizadas per l'IEO de Gers.



L'IEO d'Arièja organiza un concors de cosina.

Totis a vòstras topinas e fasètz nos la melhora de las tartas saladas!!!

A l'escasença de la Fèsta Occitana d'Estiu organizada pel Cercle Occitan-IEO de Pàmias e la Lauseita lo dissabte 25 de junh de 2011 a la sala de las Capelas de Pàmias (09), las associacions citadas organizan un concors de cosina amb un plat impausat: la tarta salada.

Aquel concors es dubèrt a totes los amators que desiran realizar aqueste plat del solelh.

L'inscripcion a aquel concors se pòt far fins al 17 de junh de 2011 alprèp de :

Cercle Occitan-IEO de Pàmias
93 car. Major (rue Gabriel Péri)
09100 Pàmias
05.61.69.60.96
ostalocog@club-internet.fr

Règlement:

Article 1: Objècte del concors

Aquel concors a per tòca d'acampar d'amators de cosina a l'entorn d'un plat comun a totes e aisit de realizar.

La realizacion de la tarta deu èsser feita per almens 6 personas perque las diferentas preparacions seràn prepausadas a la degustacion al moment del dinar.

Article 2: Composicion de la jurada

La jurada serà composada de 4 personas que seleccionaràn las tres melhoras preparacions. Un classament serà establhit e un lòt serà atribuit als tres ganhants. Las decisions presas per la jurada seràn pas contestables.

Article 3: Inscricion

Tanlèu l'anóncia de l'avís del concors, tota persona desirant participar a aquela manifestacion culinària se poirà inscriure a l'Ostal Occitan de Pàmias a l'adreça çai-jos.

Lo candidat deurà indicar son nom, pichon nom, adreça e numèro de telefòn. Recebrà un bulletin d'inscripcion e lo règlement del concors.

Aquel concors es a gratis.

Article 4: La recèpta

La recèpta deu èsser realizada entièrament amb de productes fresques (legums) per 6 personas almens.

La recèpta deurà èsser portada lo matin del 25 de junh de 2011 a partir de 9h e abans 11h pel candidat a la sala de las Capelas, lòc de la Fèsta Occitana.

Lo plat portat serà marcat per un numèro retranscrit sul bulletin de participacion e aqueste serà plaçat dins una envolopa que serà en possession de la jurada qu'après deliberacion.

Article 5: Prèmis e recompensas

La jurada causarà las tres melhoras preparacions e efectuarà un classament. Un prèmi serà atribuit a cada ganhaire. Valor globala dels lòts: 150 èuros.

Un prèmi serà atribuit per vòte per las personas participant al dinar ; una urna serà plaçada a lor disposicion. Après lo despolhament, lo prèmi public serà atribuit a la persona seleccionada.

Article 6:

Las associacions organizatrisas se resèvan lo dreit d'anullar o de modificar aquel concors segon las circonstàncias o los eveniments de fòrça majora.

Lo Cercle de Rodés organiza son estagi annadièr de dança e musica tradicionalas

Enguan, l'estagi de dança e musica tradicionalas dedicat als debutants atal comas als confirmats se tendrà los 16, 17,18 e 19 d'agost a Rodés.

Aquel estagi serà per vosautres l'escasença de participar a plan talhièrs tots ligats a la musica o a la dança:

- talhièr de fabricacion d'ancas e d'entretèn de cabreta
- talhièr de Cabreta
- talhièr d'acordeon diatonic
- talhièr d'acordeon
- talhièr de danças
- Talhièr de danças roèrgatas pels debutants

Enguan, l'estagi de dança e musica tradicionalas dedicat als debutants atal coma als confirmats se tendrà los 16, 17,18 e 19 d'agost a Rodés, dins lo licèu *Louis Querbes* al 29 carrièra Maurice Bompard.

Aquel estagi serà per vosautres l'escasença de participar a plan talhièrs tots ligats a la musica o a la dança :

- talhièr de fabricacion d'ancas e d'entretèn de cabreta per Marius Lutgerink,
- talhièr de Cabreta dirigit per Yannick Delclaux,
- talhièr d'acordeon diatonic dirigit per Yannick Delcaux,
- talhièr d'acordeon cromatic dirigit per Michel Lacombe,
- talhièr de danças tradicionau d'Auvèrnha e de Gasconha (pels dançaires confirmats) per Pauleta Faucon-Marty acompanyada de l'acordeon diatonic de Serge Guinle,
- Talhièr de danças roèrgatas pels debutants, aprendisatge de borrèia de tres temps dirigit per Bernard Andurand.

Los animators d'estagi son de pedagògs fòrça competents que trabalharàn individualament e

en grop a la recèrca de la progression de cada estagiari.

Aquel estagi fòrça convivial que se tendrà dins un ambient familiar e un quadre de verdura excepcional al còr d'una ciutat rica de vestigis de l'edat mejana. Aquel quadre es apreciat de plan estagiari que tornan cada annada amb plaser.

Dins lo perlongament de la practica, de balètis a gratis seràn organizats e dobèrts al public :

- lo 16 d'agost a Vilacontal, a 21h00 a la sala de las fèstas,
- lo 18 d'agost a Sebazac, a 21h00 salas de las fèstas.

Tarifas:

- En internat: 4 jorns, albergament e fraisses pedagogics: 235 èuro (190 èuro pels mens de 14 ans).
- En externat: 120 èuro per persona; possibilitat de dinnar per 10 èuro (8 èuro pels mens de 14 ans).

Contacte:
CCOR, Plaça Foch
12000 Rodés,
05.65.68.18.75
contacte@ccor.eu

Servici lingüistic de l'IEO d'Arièja

N°04 | junh de 2011 | Edicion Pirenèus Gasconha Arièja

ERDF & VOSAUTRES

La letra per las collectivitats locals e las autoritats concedentas

Un comptador al servici dels clients

Intervencions: Mòta a diferents, pas de contrainte de rendez-vous.

La temps d'ocòrrer per una intervencion passa de 5 minuts a 20 seg.

Una factura calculada sus una base de consumacion realla.

En cas de pèna sus la lei, lo diagnostic se fa més facilament per tornar més fluïdament l'amenajament de la clientela.

Perquè la creacion de Linky ?

Les comptadors actuals, electromecanics o electronicos responhan pas a l'evolucion dels factures.

Una directiva europea preveha que dal que 2010, dels comptadors comuniquen d'acòrd a 2012 per favorizar la concordença e les estalvi d'energia.

Quant còsta Linky ?

Lo client paga pas res, çò que còsta lo comptador se crea en regim de l'empresari contra los autras investiments carament de fons, despendiment d'energia...

Las collectivitats locals

Los administrats ganhan en qualitat de servici tanben lo comptador instalat.

La gestion de la consumacion de l'energia es facilitada e equipada en temps més rapidament.

La concordença espartida se fa tanben modernizada.

Las informacions espartidas amb lo client, per las dadas pròprias o d'altres, fòrça de las dadas espartidas amb la concordença (CERCA) e amb las dadas espartidas amb la concordença, d'altres mesuradas sus la qualitat de l'entorn, etc.).

Totas las informacions sul sit : linky.erdfdistribution.fr

LE DEPLOIEMENT DE LINKY

D'aquesta passa, i a de trabalh pel servici lingüistic de l'Institut d'Estudis Occitans ! Se ja fa temps que la voluntat de desvolopar aquel servici i èra, ara pren de vam e cal que contunhe. Dempuèi la prima de 2011, ja avèm respondut a cinc comandas de traduccions, sovent en relacion amb lo torisme. Primièr, pel castèl de La Garda, que cambièt fa pas plan temps de propietari, realizèrem doas reviradas dins l'amira de la mesa en plaça de panèls explicatius. Lo País d'art e d'istòria dels Pirenèus catars, qu'aviam trabalhà amb el per mai d'una accion, es, el, a metre en plaça un camin d'interpretacion patrimoniala que serà materializat

per de panèls. Nos comandèron per aquò doas serias de reviradas per las comunas de Montsegur e Mirapeish (los panèls deurian èsser pausat debutats de julhet) e d'altres son encara a venir puèi que lo « camin » deu cobrir tot lo País dels Pirenèus catars. E puèi, una iniciativa de saludar, aqueste còp del servici public amb una comanda d'ERDF que nos demandèt de revirar son bulletin d'informacion *ERDF & Vosautres*, mandat a totas las comunas e las collectivitats territorials del departament. Esperem que fasca grellhar d'altres iniciativas...

Camilha Bilhac-Lassale

LO LABEL ÒC PER L'OCCITAN.



Atau com ac sabetz, la tòca deu label qu'ei comunicar sus las empresas que tribalhan o que volèn tribalhar dens la lenga. Lo label "Òc per l'Occitan" que vòu participar a l'espandiment de l'occitan au-deguens de l'economia.

Calandreta San Seren

Escòlas

Nivèl 3 : L'occitan es pertot.

100, passatge de saliege

46400 San Seren

05 65 33 49 30

calandreta.esquirol@laposte.net

Nivèl 2 : aici parlam l'occitan.

ostal del patrimòni

plaça Foch

12000 Rodés

05 65 70 79 64

www.ccor.eu

marlene.bony@laposte.net

Comité Aveyronnais

de Bowling et Sport de Quilles

Espòrt

Nivèl 2 : aici parlam l'occitan.

8, carrièra de las rosèlas

12850 Ònes del Castel

05 65 67 24 70

quillesdehuit.org

comite.quillesde8@orange.fr

Château de Sours,

Vinhairon

Nivèl 1 : l'occitan nos agrada

SCEA Castèl de Sours

Sours/81310 L illa-de-Tarn

05 63 57 09 79

www.chateau-de-sours.com

info@chateau-de-sours.com

Centre Culturel Occitan du

Rouergue

Associacions Culturalas

R'd'autan radio 81500 La vaur

Ràdio

Nivèl 1 : l'occitan nos agrada

<http://www.rdautan.fr>

Domaine de la Valiere
Georges et Jacques Bennes
St Waast 81800 Couffouleux
Vinhairon
Nivèl 1 : l'occitan nos agrada
EARL BENNES
2530 route des rives de l'agoût
Saint Waast
81800 COUFOULEUX

05 63 40 01 26
05 63 41 85 79
domainevaliere@gmail.com

Frederic Donnarel
Artiste pintre,
Ste Eulalie d'Olt
<http://atelierdefreedo.wordpress.com/page/3/>

Ofici per l'occitan :
11, carrièra Malcosinat,
31000 Tolosa
05 63 45 10 17 - 06 87 70 42 29
ofici@occitan-oc.org

LO SERVICI DE L'EMPLEC.

Cargat administratiu

Sector d'activitat Ensenhament
/ Recèrca e formacion
Nivèu d'oc : Nocions de basa

Mission

Assistència administrativa a la
direccion d'escòla (Recepcion
de las telefonadas, gestion deus
corrièrs e documents, operacion
administrativas, velha reglamen-
tària, comunicacion interna)
e ajuda a la vida escolara en
classe de cycle 2.

Verificar eligibilitat au CAE.
Mestresa de la lenga occitana
apreciada

Competéncias requesidas

Experiéncia Desirada de 6 mes
au prèp deus mainats
Formacion CAP, BEP o equiva-
lent Secretariat / Foncion
d'assistent desirat

Coneishenças buroticas Tabu-
latòri : Utilizacion expèrta Trac-
tament de tèxtes : Utilizacion
expèrta

Descripcion complementària emplegaire

Tipe de contracte : Contracte a
Durada Determinada de 6 mes



Natura de l'aufèrta CUI - CAE
Salari indicatiu Orari 9 €
Durada setmanèra de trabalh :
20H00

contacte :

Calandreta Castresa
47 rue Marcel Briguiboul
81100 Castres
05.63.71.00.36
castresa.calandreta@wanadoo.fr

Secretari/ària Comptabla

Sector d'activitat : Association
culturau.
Nivèu d'oc : Nocions de basa

Mission

Si avetz competéncias en ges-
tion administrativa, informatica
e assisténcia alavetz, que cer-
cam un/ua secretari/ària comp-
tabla tà un Contracte a Durada
Determinada.

Qu'auratz a assegurar l'arcuelh
fisic e telefonic mès tanben la
seguida administrativa d'ua
associacion (dossièrs, botadas

en fòrmas documents, subven-
cions). Que'vs aucuparatz de las
operacions comptablas sasida
de las escrituras e seguida de la
tesaureria).

Competéncias requesidas

La mestresa de la lenga occita-
na qu'ei un mes tà la candidatu-
ra.

Utilizacion normau deu tracta-
ment de tèxtes e deu tabulatòri
Experiéncia desirada de 1 a 2
ans

Formacions :

Permés de conduir : B - <3,5T
REM <750KG exigit

Descripcion complementària emplegaire

Tipe de Contracte : CCD de 6
mes Eligibilitat CUI/CAE Des-
plaçaments frequents sus Mièg-
jorn-Pirenèus (permés e vehicu-
la personau)

Durada setmanèra de trabalh :
26h

Salari indicatiu : Salari orari > a
10€ - Convencion collectiva
animacion indicatiu (cat. C).

Contacte :

IEO MP :
ieom-pireneus@ieo-oc.org



servici de l'emplec

Secretari/ària d'associacion

Sector d'activitat Ensenhament
/ Recèrca e Formacion
Nivèu d'òc: Saber s'exprimir

Mission

Que seratz en carga deu secretariat de l'associacion.

Tanben que susvelharatz lo disnar (servici de guarderia).

Competéncias requesidas

Que coneishetz l'occitan, que sabetz emplegar los tabladors e lo tractament de tèxte.

Descripcion complementària emplegaire

Tipe de contracte: CDD de 6 meses

Qu'avètz dret a un CUI-CAE.

Nombre d'oras per setmana: 20 oras

Remuneracion orària: 9€

Experiéncia demandada: debutant acceptat

Contacte:

Calandreta del País de Pàmias
2 rue des Jacobins
09100 Pamiers
05.61.60.58.08
lacalandreta09@free.fr
regents.pamias@gmail.com

Ajude/Ajuda mairau

Sector d'activitat Ensenhament
/ Recèrca e Formacion
Nivèu d'òc: Nocions de basa

Mission

Entà ua escòla bilingüa occitana qu'assistiratz los ensenhaires entà: l'arcuelh, l'animacion e l'acquisicion de l'autonomia.

Que velharatz a la netetat deus locaus e deu materiau. Qu'avètz un interès entà l'occitan.

Descripcion complementària emplegaire

Que podetz aver un CUI-CAE

Tipe de contracte: CDD de 6 meses

Nombre d'oras per setmana: 20 oras

Remuneracion orària: 9€

Experiéncia demandada: Debutant acceptat

Contacte:

Calandreta de Rodés
05.65.73.18.82
calandreta.rodés@orange.fr

Jornalista

Sector d'activitat: mèdias

Nivèu d'òc: Mestresa correnta

Mission

La persona serà en carga d'ajudar d'enriquesir la quantitat e la qualitat dels programas en lenga occitana de Ràdio Occitània e de la Federacion Inter-regionau dels Mèdias Occitans e d'ajudar de noirir aital las bancas de donadas, en prefiguracion de projèctes mediatics a venir.

Per aquò faire, i serà demandat de realizar entrevistas d'occitanofònes e cronicas sus tèmas especifics: siá generalistes de vulgarizacion ... siá mai especifics als « particularismes e especificitats » dels terraires occitans... per fin de las poder prepausar a d'autres ràdios o supòrts a novèls mèdias.

Competéncias requesidas

* Competéncia orala en lenga occitana (dins totas las sias variants dialectalas al nivèl de la compreneson)

* Mestresa de l'occitan a l'escrit (en vista dels partenariat botats en plaça en çò de la FIMOC)

* Mestresa perfèita dels mestiers de la ràdio

* Bona cultura generala e interès de las bèlas per l'actualitat

* Capacitat d'animacion

* Capacitat d'analisi e de sintèsi, d'innovacion e de prepausicions estrategicas e concretas

* Coneissença del malhum associatiu obrant per la defensa e la difusion de la lenga e de la cultura occitanas

* Competéncias en d'autres lengas euroregionalas o latinhas

Descripcion complementària emplegaire

CDI a comptar de julhet


Experiéncia demandada: > 3 ans dins los mestiers de la ràdio

Nombre d'oras per setmana: 35

Contacte:

Ràdio Occitània

Contes & Poëmas de Pelegrins.



« Contes & Poëmas de Pelegrins » es la darrièra publicacion de Zefir Bòsc.

Zefir Bòsc coneis plan lo país Aubrac e Roèrgue-Naut, aquel país traversat dempuèi longtemps per de pelegrins sul camin de Sant Jaume de Compostèla.

A fargat 6 contes tradicionals, istorics, imaginaris sus aqueles caminaires que se trapèron dins de situacions estranhas, climaticas e ont apareisson de rescontres amb bri-

gands, lops, bèstias fantasticas que los enfacián dins la nuèch sorna.

Son 6 contes en occitan.

Lo recuèlh conten tanben 6 poèmas en occitan amb lor version francesa e de fòtos presas sul camin romiu.

Lo libre se pòt trapar en çò de l'autor per 18 euròs pòrt comprés.

Zéphirin Bòsc,
Le Bòsc-Nalt 12140 ESPEYRAC


Un libre e un rencontre en omenatge a Cantalauza

Lo 22 de setembre de 2006 l'abat Loïs Combas nos quita-va...

L'Institut d'Estudis Occitans d'Avairon amb lo Centre Cultural Occitan de Roèrgue e lo Grelh roergàs se vòlon sovenir: Cantalauza, l'òme, lo prèire, lo professor, lo cercaire, l'escrivan qu'a tant fach per la nòstra lenga e la nòstra cultura.

Dos eveniments a Rodés:

- una conferéncia – rencontre lo 24 de setembre de 2011 a 16h30 amfiteatre del Centre Cultural departamental, 25 avenguda V. Hugo.



- Un libre de 80 paginas (biografia, bibliografia, testimoniatsges, tèxtes ineditis, fòtos, tèxtes causits), en soscripcion duscas al 15 de setembre.

- Soscripcion exemplars a 6€ valable duscas al 15 de setembre de 2011 (après l'obratge serà vendut al pretz de 8€ l'exemplar).

Contacte:
CCOR
Plaça Foch
12000 Rodés
05.65.68.18.75
contacte@ccor.eu

CERCLE OCCITAN PEIRE LAGARDA - I E O – FOIX

Un brèu agait sus son istòria: engimbrat a la fin de las annadas seissanta per Joan NAYROU, le Cercle occitan de Foish s'apelava « le Ròc de Foish » e s'amassava per dançar subretot, Paula BONNEFONT e Silveta PIQUEMAL menavan le grop.

Se fasián corses pauc academics, se fasiá tanben, jos l'agait menimós e mercé a la nauta competéncia del Jordi ENSERGUEIX, « l'Almanac occitan del cercle de Foish »...

De notar la convivéncia qu'èra la marca de las relacions entre les sòcis: gaireben cada còp, la sedença s'acabava, totis amassa, per un repeish tirat de la saqueta ont se risiá fòrça e se manjava plan!

A moment donat (fa 5 ans), le cercle decidiguèt de se júnher a l'Institut d'Estudis Occitans e de s'apelar *Cercle occitan « Pèire Lagarda » – IEO – FOIX.*

Recentament, avèm obtengut un cors setmanier per totis e ne sèm plan urosis!

Le Cercle Occitan de Foish vira redond plan planet amb les auvaris de la vida vidanta: n' i a que se'n van, ailàs! N' i a qu'arriban. L'occitan s' i apren, l'occitan s' i parla e s' i escriu e mai s' i canta.

Un brèu agait sus son istòria: engimbrat a la fin de las annadas seissanta per Joan NAYROU, le Cercle occitan de Foish s'apelava « le Ròc de Foish » e s'amassava per dançar subretot, Paula BONNEFONT e Silveta PIQUEMAL menavan le grop.

Segon l'idèa de James MOREL, se son improvisats ensenhaires de militants de Foish a l'encòp afogats de lenga e plan abnegats: Joan Bernat MOLINIER e Francés DUPUY; puèi Cristian DUTHIL es venut refortir la còla, seguit per Jòrdi ENSERGUEIX.

Se fasián corses pauc academics, se fasiá tanben, jos l'agait menimós e mercé a la nauta competéncia del Jordi ENSERGUEIX, « l'Almanac occitan del cercle de Foish », que pareguèt cada annada, a quicòm pròche, dempuèi 1983. Totis aquelis fondators, nòstris « primadièrs », nos mancan uèi crudèlament, n' i a que son mòrts, n' i a que son cansats... Totis nos an daissat quicòm d'important, mai que mai le sens agut de las valors de la cultura d'òc.

Anhès e Didièr NEGRE s'ajustèron a la còla, i menant lor vam per la lenga e per la musica.

Quand Gui CHAUFFOUR rejunhèt le cercle, faguèt, amb l'Anhès, una emission sus *Ràdio Transparéncia* e sus *Ràdio Occitània* (ENTERIGA) de mièja ora, cada setmana, a la de-

buta e puèi, cada quinze jorns, aquò pendent dos ans.

De notar la convivéncia qu'èra la marca de las relacions entre les sòcis: gaireben cada còp, la sedença s'acabava, totis amassa, per un repeish tirat de la saqueta ont se risiá fòrça e se manjava plan!

A moment donat (fa 5 ans), le cercle decidiguèt de se júnher a l'Institut d'Estudis Occitans e de s'apelar *Cercle occitan « Pèire Lagarda » – IEO – FOIX.*

Per çò que tòca a l'ensenhament de la lenga, doas modalitats pendent dus ans:

- corses donats per un professor cada quinze jorns pels confirmats e cada setmana pels debutants.
- talhièr animat, cadun son torn, per un de nosaus, pels confirmats.

Recentament, avèm obtengut un cors setmanier per totis e ne sèm plan urosis!

Nos fa plaser de dire que le festenal TRAD'ESTIU, quitament s'es pas alestit solament per nosautres, es sortit, per una bona part, del cercle ; e es el qu'organiza la caminada culturala que li es ligada.

Rapelem qualques realizacions de la nòstra tièra:

- l'edicion del libre de Cristian DUTHIL « L'Almanac Patoues de l'Ariejo », un almanac en occitan publicat per Vent Terral.
- conferéncias e exposicions (Denis SAURAT, les CATARS, la crotz occitana, 150 ans de literatura en Arièja...)
-

Nòstris projèctes: preparacion de l'Almanac 2012, de novèlas lecturas publicas, de la passejada de TRAD'ESTIU, d'una transcripcion en grafia normalizada de l'Almanac Patoues d'Arièja (qualques 300 tèxtes) e benlèu, edicion d'un recuèlh d'aquel trabalh, enfin concepcion d'un jòc de lotò occitan.

- acuelh de l'Escòla occitana d'ivèrn a Foish e dels italians de la caminada dels Alps a laVal d'Aran « l'Occitània a pè »
- lecturas publicas
- participacion regulara al bulletin municipal de St Pèire de Ribiera

Nòstris projèctes: preparacion de l'Almanac 2012, de novèlas lecturas publicas, de la passejada de TRAD'ESTIU, d'una transcripcion

en grafia normalizada de l'Almanac Patoues d'Arièja (qualques 300 tèxtes) e benlèu, edicion d'un recuèlh d'aquel trabalh, enfin concepcion d'un jòc de lotò occitan.

Avèm benlèu les uèlhs mai grands que le ventre coma se ditz... Veirem plan.

Lo burèu

L'AGENDA.

Junh

Lo 25 de junh:

Fèsta Occitana d'Estiu, a Pàmias

Concors culinari (tortas e tartas saladas), repais, dictada occitana tot public, reportatge e exposicion sus CATALONHA pels escolans de la Calandreta del País de Pàmias, Jòc « Questions per un campion » en occitan, remesa dels prèmis de la dictada. A la sala de las Capèlas a Pàmias.

Organizat pel Cercle IEO de Pàmias.

Contacte:

05-61-69-60-96

ostalocog@club-internet.fr

Lo 28 de junh:

Joanada de Castras

Rendètz-vos a l'Albenca tre 20h45 amb lo collectiu Les Buffarels, grop de 10 a 15 musicaires tarneses, pel passa-carrièra al son del graile, de la craba e autres instruments. Una ora pus tard, retorn Plaça de l'Albenca, pel fuòc.

Per acabar la serada, tot lo mond poirà dançar pendent lo balèti a gratis, animat pel grop tolosan Réménilhe. Convivialitat, bona umor!

Programa de la serada:

- 20h45: Depart del passa-carrièra, plaça de l'Albenca, amb Les Buffarels.

– 22h00: Fuòc de Sant Joan.

– 22h45: Balèti occitan a gratis amb **Réménilhe**.

Organizat pel Cercle Occitan del País Castrés.

Contacte:

05-63-72-40-61

azalais@wanadoo.fr

Julhet

Lo 2 de julhet:

Sortida al musèu dels orsalhèrs d'Èrce

Joan-Loís Lobet que vos da rendetz-vos le dissabte 2 de Julhet, a 14h15, devant l'entrada del tribunal, al Castèl dels Viscomtes. La visita que sirà comentada per Miquèl Pujol.

Organizat pel Cercle Occitan deth Coserans.

Contacte:

claudine.rivere-souilla@orange.fr

Lo 2 de julhet:

Estagi d'Occitan a Pamias

A l'entorn de la cançon occitana: lectura, prononciacion, descobèrta dels Trobadors e cantaires mai recents..." Debanament de la jornada:

9h00-12h00: Trabalh de lectura, escritura e prononciacion de l'occitan a partir de supòrts escrits e audiò, vocabulari, punts de gramatica, descobèrta dels Trobadors... 12h00: Repais tirat de la saqueta 13h30-16h00: Presentacion de la cançon occitana fins a uèi: descobèrta, trabalh de revirada e d'escritura a partir de cançons tradicionals e mai recentas.

Pagament a l'inscripcion: Normal: 30 € (aderents IEO: 25€)

Redusida: 20€

Cobles: 50€ (aderents IEO: 40€)

Organizat per l'IEO Arièja.

Contacte:

05-61-69-60-96

corsoccitanog@club-internet.fr

Lo 5 de julhet:

Les extravadanses de Castras

Dins l'encastre de « Les Extravadanses », organizadas per la Comuna de Castras, lo Centre Occitan del País Castrés prepausarà d'animacions: demostracion de danças tradicionals occitanas pel nòstre talhièr de danças amb la participacion del grop *Los d'Endacòm*, organizat per la Comuna de Castras, tre 20h00, sus la plaça Joan Jaurès de Castras. Aquesta animacion serà seguida d'un concèrt de polifonias occitanas amb B2Bal. Organizat pel Cercle Occitan del País Castrés.

Contacte:

05-63-72-40-61

azalais@wanadoo.fr

Lo 7 de julhet:

Les extravadanses de Castras

Dins l'encastre de « Les Extravadanses », organizadas per la Comuna de Castras, lo Centre Occitan del País Castrés prepausarà d'animacions. Participacion a la Fèsta de la Dança amb demostracion de danças tradicionals occitanas pel nòstre talhièr de danças e la participacion del grop *Los d'Endacòm*, tre 18h40, sus la plaça Joan Jaurès de Castras.

Organizat pel Cercle Occitan del País Castrés.

Contacte:

05-63-72-40-61

azalais@wanadoo.fr

Lo 7 de julhet:

Serada: bestiar e amontanhadas a Sent-Guironç

A 18 oras, a la bibliotèca de Sent Guironç, al Castèl dels Viscomtes.

Organizat pel Cercle Occitan deth Coserans.

Contacte:

claudine.rivere-souilla@orange.fr

Lo 10 de julhet:

Bal tradicionau a Aush

Dab Guilhèm Lopez e companhia, 8h00 deu ser, plaça de la Liberacion. Intermedi dançant deus talhèrs de canta e de musica de l'I.E.O 32 miats peu Guilhèm Lopez. Guilhèm Lopez – compositor, musician, cantaire – que hè ua musica libra e innovanta entre musicas tradicionaus, cantas e improvisacions... Bals on ne'ns podem pas avejar. Lo partatge entre los musicians e los dançaires qu'espand ua deliciosa gaujor... De non pas mancar!

Organizat per l'IEO Gèrs.

Contacte:

09 54 10 11 41

ieo32@ieo-oc.org

Lo 15 de julhet:

Conferéncia e projeccion a Saurat

Sul collectatge *Memòrias d'Arièja* realizat en 2010 dins l'encastre de Festen'òc a 17h00.
Organizat per l'IEO Arièja.

05-61-69-60-96

ieo09@ieo-oc.org

Lo 16 de julhet:

Lecturas a Rodés

"Autors franceses qu'an escrit en occitan": lecturas amb d'intermedis musicals. Dubèrt a totes, a gratis Jardin del fièral a Rodés sul sit de Rodez-plage, de 11h30 a 12h30.

Organizat per l'IEO Avairon.

05-65-68-18-75

ieo12@ieo-oc.org

Lo 23 de julhet:

Lecturas a Rodés

"Autors franceses qu'an escrit en occitan" : lecturas amb d'intermedis musicals. Dubèrt a totes, a gratis Jardin del fièral a Rodés sul sit de Rodez-plage, de 11h30 a 12h30.

Organizat per l'IEO Avairon.

Contacte:

05-65-68-18-75

ieo12@ieo-oc.org

Lo 23 de julhet:

Caminada en occitan a Foish

amb lo contaire Pierre RICARD. Depart de Foish a 9h00 (rendètz-vos a la *Hala*). Caminada de Foish a Las Dolonias de Caribat (a costat de Foish), portar

lo dinar dins la saqueta, cauçadas de las bonas e vestit de pluèja. En cas de maishant temps, la caminada se farà l'endeman.

Organizat pel Cercle occitan-IEO de Foish.

Contacte: cercleoc@orange.fr

Lo 30 de julhet:

Lecturas a Rodés

"Autors franceses qu'an escrit en occitan": lecturas amb d'intermedis musicals. Dubèrt a totes, a gratis. Jardin del fièral a Rodés sul sit de Rodez-plage, de 11h30 a 12h30.

Organizat per l'IEO Avairon.

Contacte:

05-65-68-18-75

ieo12@ieo-oc.org

Agost

Lo 6 d'agost:

Lecturas a Rodés

"Autors franceses qu'an escrit en occitan": lecturas amb d'intermedis musicals. Dubèrt a totes, a gratis Jardin del fièral a Rodés sul sit de Rodez-plage, de 11h30 a 12h30.

Organizat per l'IEO Avairon,

05-65-68-18-75

ieo12@ieo-oc.org

Del 16 al 19 d'agost:

Estagi de danças e musica tradicionalas per debutants a Rodés

- Talhièr de fabrica e d'anca de cabreta dab Marius LUTGERINK,

- Talhièr de crabeta dirigit per Antoine CHARPENTIER

-Talhièr d'acordeon diatonic dirigit per Yannick DELCLAUX,

-Talhièr de dança de Gasconha e d'Auvèrnhe per dançaires confirmits per Paulette FAUCONMARTY acompanyada Serge GUINLE a l'acordeon diatonic.

Al licèu Louis Querbes, 29 carrèra Maurice Bompard.

Organizat per cercle cultural occitan de Roèrgue,

05-65-68-18-75

ieo12@ieo-oc.org

Lo 16 d'agost:

Baleti a Villecontal (Roèrgue)

21h00 a la sala de las fèstas, baleti a gratis.

Organizat pel Cercle Cultural Occitan de Roèrgue.

05-65-68-18-75

ieo12@ieo-oc.org

Lo 18 d'agost:

Baleti a Sebazac (Roèrgue)

21h00 a la sala de las fèstas, baleti a gratis.

Organizat pel Cercle Cultural Occitan de Roèrgue.

05-65-68-18-75

ieo12@ieo-oc.org

Lo 19 d'agost:

Concèrt de Philippe VIALARD

Lo cantaire de l'Aubrac Philippe VIALARD canta los tradicionals de l'Aubrac e del Roèrgue, mas tanben sas creacions e ara i mèscla las influenças de la musica del Maròc ont trabalha. A ghoo del ser a la glèisa de Persa.

Organizat pel Cercle Occitan de Roèrgue-Naut.

Contacte:

gerard.ferrand4@wanadoo.fr

Lo 21 d'agost:

Bal tradicionau (Gers)

Los bals de l'I.E.O 32 que's passejan capvath l'estiu... Bal tradicionau dab Guilhèm Lopez e companhia, aus Camps, 3h30

deu vèspe. Intermedi dançant deus talhèrs de canta e de musica de l'I.E.O 32 miats peu Guilhèm Lopez.

Organizat per l'IEO Gèrs.

Contacte:

09 54 10 11 41

ieo32@ieo-oc.org

Setembre

L'11 de setembre:

Bal de rentrada (Gers)

Bal tradicionau dab Guilhèm Lopez e companhia, Aus camps, 3 òras e mieija deu vèspe. Intermedi dançant deus talhèrs de canta e de musica de l'I.E.O 32 miats peu Guilhèm Lopez.

Organizat per l'IEO Gèrs.

Contacte:

09 54 10 11 41

ieo32@ieo-oc.org

Lo 17 de setembre:

Conferéncia/ diaporama d 'Yves GARRIC, a Rodés

Les Buroniers de l'Aubrac e "Pourquoi tant de nostalgie"? Al Centre Cultural Occitan Del Roergue, plaça Foch a RODEZ. A gratis, tot public.

Organizat pel Cercle Cultural Occitan de Roèrgue.

Contacte:

05-65-68-18-75

ieo12@ieo-oc.org

Lo 17 e 18 de setembre:

Las Jornadas del Patrimòni de Castras

Dins l'encastre de las Jornadas del Patrimòni, lo Centre occitan del País Castrés prepausarà d'animacions occitanas los 17 e 18 de setembre de 2011: jòc « A la descobèrta de Castras » per descobrir la vila d'un biais ludic, demonstracion de danças tradicionals, concèrt...

Organizat pel Centre occitan del País Castrés.

Contacte:

05-61-69-60-96

ieo09@ieo-oc.org

Lo 24 de setembre:

Omenatge a CANTALAUZA a Rodés,

Fa 5 ans que Cantalauza nos quitèt. Una taula redonda nos permetrà d'evocar a l'encòp la

vida de l'òme e son òbra granda e fòrça variada. Dubèrt a totes, a gratis. A parèisser per aquela ocasion un libre de 80 paginas (biografia, testimoniatges, inedit, tèxtes causits, bibliografia) editat per l'IEO12, lo CCOR e lo grelh Roergàs. Ducas al 15 de setembre prètz de soscripcion 6€, aprèp prètz de venda 8 € (bulletin de soscripcion sul sit www.ieo12.org). Amfiteatre del Centre cultural departamental 25 avenguda V. Hugo a Rodés, a 4 oras e mièja del vèspe.

Organizat per l'IEO Avairon.

Contacte:

05-65-68-18-75

ieo12@ieo-oc.org

LOS CONTACTES DE LAS SECCIONS L'IEO MIÈGJORN-PIRENÈUS.

ARIÈJA

Seccion departamentala e Cercle Occitan de Pàmias
Prosper Estieug3 rue Perry 09100 Pamiers
05-61-69-60-96
ieo09@ieo-oc.org

Cercle local de L'Avelhanet
President : J-Claude OURADOU
ieo.delpaisdolmes@orange.fr

Cercle local de Foix
Foyer Léo Lagrange,
16 rue Noël-Pierre Vidal,
09000 Foix
Presidenta : Nicole Lehmann,
cercleoc.dany@orange.fr

Cercle occitan deth Coserans :
Claudine Rivèra-Souilla,
Bibliotèca municipala, Castèl dels viscomtes del Coserans.
claudine.rivere-souilla@orange.fr
biblio.jeune@ville-st.girons.fr

AVAIRON

Seccion departamentala e Centre Cultural Occitan de Roèrgue
Ostal del patrimonì
Contacte : Brigitte Médard
Place Foch 12000 Rodez
05-65-68-18-75
ieo12@ieo-oc.org

Cercle local d'Espalion
President : Gérard FERRAND,
gerard.ferrand4@wanadoo.fr

Cercle occitan deu vilafrancat
President: Jacki TEN,
jaconet.oc@wanadoo.fr

GARONA-NAUTA

Seccion departamentala
11 rue Malcousinat,
31000 Toulouse
05-61-11-24-87
ieo31@ieo31.com

Cercle local de Legavin
Ostau de la Sava al Toch : 96
avenue de Gascogne,
31490 Leguevin
05-61-86-70-20
ostausavatoch@orange.fr

Bolègatoish (Tournefeuille)
Jean-Marc LECLERCQ
jm.leclercq3@wanadoo.fr

GÈRS

Seccion departamentala
President : Georges NOSELLA
Plaça puits de Mothe 32000 Aush
09-54-10-11-41.
ieo32.arcuelh@free.fr

Carnaval Gascon (L'Isle de Baish)
President Yves SENEAL,
carnavalgascon@orange.fr

ÒLT

President: Roger LASSAQUE,
ieo46@ieo-oc.org

PIRENÈUS-NAUTS

Nosauts de Bigòrra
Mairie, 65350 Bouilh-Péreuilh
05-62-93-04-65
ieo65@ieo-oc.org

TARN

Seccion departamentala
3 r de la Torque, 81120 Réalmont
05-63-79-06-67
ieo81@ieo-oc.org

Centre Cultural Occitan d'Albigés
28, carrièra Rochegude,
81000 Albi
05-63-46-21-43
centre-occitan-rochegude@orange.fr

Centre Occitan del País Castrés
Azalais, 6 rue du Consulat,
81100 Castres
05-63-72-40-61
azalais@wanadoo.fr

ADOC Tarn

« Lo Grifol » : 3, Carrièra Perròtin
81 000 ALBI
05 63 53 30 41
adoc-tourisme-oc@orange.fr
adoc-economie-oc@orange.fr Site

Cercle local de Caramauç
Presidenta : Chantal Merida
c.merida@sfr.fr

TARN E GARONA

Associacion Antonin Perbosc
307 avenguda de Montech,
82000 Montauban
05-63-03-48-70
ieo82@ieo-oc.org

IEO FEDERAU

Ostal d'Occitània,
11 rue Malcousinat
31000 Toulouse
05-34-44-97-11
direccion@ieo-oc.org

IEO MIÈGJORN-PIRENÈUS

11 rue Malcousinat
31000 Toulouse
09.62.56.09.91/06-82-23-44-55
ieom-pireneus@ieo-oc.org

LAS EMISSIONS DE RÀDIO.

IEO Arièja :

sus "Radio Transparence Foix",
"De còr e d'òc",
cronica quotidianas cortas,
difusadas tres còps per dia :
8h15, 12h00, 14h30.

IEO Avairon :

RTR (Ràdio Temps Rodés), 107
FM cada dimars a 11h15; 15h15;
17h15 e 20h15

Cercle occitan deu vilafrancat :

Las passejadas occitanas de
CFM, cada dijaus e dimenge
(Ihevat a l'estiu).

Cercle local de Carbona :

sus "Radio Galaxie",
tota l'actualitat institucionala e
tota l'actualitat culturala cada
dissabte a 10h00, e redifusion
cada dimecres.

Cercle local de Legavin :

sus "radio de la Save",
Occitània, emission mesadièra,
difusida 4 còps per mes.

IEO Gèrs :

Ràdio País
Participacion mensua a las de-
visadas, au parrat de "las ma-
tiadas" de Ràdio País,
de 7 oras a 10 oras deu matin,
www.radio-pais.com

Centre Cultural Occitan d'Albi- gés :

Participacion a las emission se-
guentas de "Ràdio Albigés":

- « Setman'òc »
a 8 h30 e lo repic a 15h30;
- « Bal Occitan » :
dimars a 10h30, e represa a
17h00, dijòus 19h30, dissabte
20h00,
- « Tròç de Lengua » :
diluns, dimècres, divendres a
9h00,
e dimars, dijòus, dissabte a 14h00
oras, dimenge a 9 oras, 12h30, e
16 030 ;
- « Un còp parlèron » :
Los dimècres 10h30 e divendres
19h30 ;
- « Dans l'air du Temps » :
Los dimars 11h00, divendres
14h00, e dimenge 7h30.

www.radioalbiges@wanadoo.fr

IEO Tarn e Garona :

sus Radio Association,
"Aquí va plan",
cada divés de 12h00 a 13h00.

Cercle occitan deth Coserans :

Radio Couserans,
le dimars de 18 a 19 oras :
Erà votz derà montanha,
www.radiocouserans.com

LOS SITIS INTERNET.

www.ieodelpaisdolmes.monsite-orange.fr

Lo siti del cercle de L'Avelhanet : isto-
ric, René Nelli, Lo Diari, programme, la
letra Mesadièra, Ligams

www.ieo12.org

Lo siti de l'IEO d'Avairon: Activitats,
Presentacion, Diccioniari de Cantalau-
sa, Ressoras, Lo Diari

www.ieo31.net

Lo siti de l'IEO 31: Actualitat, l'IEO 31,
Cors d'Occitan, Eveniments, l'Occitan

www.ieo65.com

Lo siti de l'IEO 65 : Arcuelh, l'IEO 65,
Agenda, Actualitats, Edicion IEO, Li-
gams, Galeria de fotòs e restitucions
de collectatges

www.ieo-tarn.org

Lo siti de l'IEO 81, Presentacion, Eve-
niments màgers, Prestacions, Pro-
gramme, Autras animacions

www.ieo-oc.org

Lo siti de l'IEO : Conèisser l'IEO,
Nòstras missions, Letra d'informacion,
La lenga occitana

www.emplec.com

Lo siti deu servici de l'emplec : Trobar
una ofèrta, Per l'emplegair, Per l'em-
plegat, L'agenda

www.paginas-occitanas.com

Lo siti de las Paginas Occitanas:
Presentacion, Actualitats, Ont aprene
l'occitan ?, Un servici dins la lenga


www.aprenemloccitan.free.fr

Lo Siti d'aprenem l'Occitan: Actuali-
tats, Aquitània, Lengadòc, Mieidia-
Pirenèus, Nòrd-Occitània, Paca

IDECO: LA DIFUSION OCCITANA PER EXCEL·LÈNCIA...

Ideco, l'estructura principal de difusion del libre occitan vos prepausa las noveltats disponibles actualament

Letras d'òc,




La fada multicarta *Micheu Chapduelh*

De contes pel plaser de tornar trapar la sabor e « l'estil Chapduelh » De contes intemporals o del nòstre temps, lo d'internet, de las multinacionals mas ont l'autor s'apièja sus la trama dels contes tradicionals.

144 p. 15x21 cm. 16€ - occitan*
lemosin

Crdp d'Aquitaine,




Lo barbarós *Adaptacion de S. Mauhorat* *Illustracion de Ohazar*

Se volètz saupre perdéqué lo barbarós a la garganta rotja e perqué, l'ivèrn los arbres, levat los avets tomban las fuèlhas... Vos cal legir lo barbarós.

(conte tradicional)
36 p.1 cd audio, 24,5x22 cm, 10€
occitan

Disponible en lengadocian,
gascon o lemosin


Institut d'Estudis Occitan dau Lemosin,



Dictionnaire français/occitan Limousin, Marche, Périgord *Yves Lavalade*

Se tròba dins aquel diccionari gaireben la totalitat del vocabulari lemosin de las trenta darrièras annadas. Aquel vocabulari es eissut d'una lenga parlada, escricha, viva, expresiva, identitària.

640 p.16x24,5 cm. 30€
tresena edicion, revista e aumentada




Comptinas

Un florilègi de comptinas illustradas per mantun illustrators ont se pòt veire una multituda d'estils grafics.

36 p.1 cd audio, 24,5x22 cm, 10€
occitan

Disponible en lengadocian,
gascon o lemosin

Editions Trabucaire,



Diccionari ortografic, gramatical e morfologic de l'occitan *Josiana Ubaud*

Fruch de sièis annadas de trabalh, aqueste diccionari recampa **formas centralas et variantas del lengadocian** tant eiretat coma modèrne, en abordant totes los camps lexicals.

1170 p.16,5x24,5cm, 30€

Per tota comanda
per telefone a ideco : **05 63 75 22 26**
siti de venda en linha : **www.ideco-dif.com**

Per tota entresenha, nos podètz apelar
diluns, dimarç e divendres de 9 a 12h e de 14 a 17h

RODEZ

27 ● 31 JUILLET 2011

ESTIVADA

MUSICA BALÈTI CONCÈRT TEATRE
CONTES CONFERENÇAS LITERATURA POESIA

www.estivada-rodez.eu

05 65 78 10 74

ESPECTACLES A GRATIS - FREE SHOWS
FESTIVAL INTERRÉGIONAL DES CULTURES OCCITANES



Estivada org&com snc - 437342963 00033

graphisme: Aurélie Bonnet, org&com